

Frå Vaksdal fiskarlag v/Leif Inge Eide,
5725 Vaksdal

Til
Vaksdal kommune
v/Tore Henrik Øye
5722 Dalekvam

SØKNAD OM STØNAD TIL INNKJØP AV BÅT

I 1982 var det tilnærma fisketomt i vaksdalsfjella. Det vart då skipa eit fiskarlag på Vaksdal og sett i gong eit omfattande arbeid med å få opp igjen fiskebestanden i området slik den var tidlegare.

I åra 1982-2007 er det sett ut innlandsaure i regi av Vaksdal Fiskarlag. Me har bra oversikt over utsetjing og bestandar i dei ulike vatn og tjønner.

Pr i dag er det fisk i alle vatn og tjønner, og dette representerer eitt av dei viktigaste og mest nytta rekreasjonstilboda bygda har å by på.

Vaksdal Fiskarlag driv på frivillig basis og har ikkje inntekter. Utgiftene til setjefisk har me fått dekkja av Vaksdal Mølle, Norsk Grønnkraft og Boge Kraft etter søknadar. Det kan og nemnast at det ikkje blir krevd inn lokal fiskeavgift i området.

Kalking av områda Varatjønnane og Kjerringatjønn har gjort desse tjønnane svært fiskerike. Fisken er liten og har ikkje god kondisjonsfaktor. Vaksdal Fiskarlag valde derfor å gå til innkjøp av kastenot for å redusera fisketettleiken i desse vatna og for å setja denne fisken ut att i tilhøyrande/omkringliggjande vatn og tjønner der det trengs. Det er slutt på å kjøpa inn setjefisk. Me fekk stønad frå Fylkesmannen til kastenot og eit par garn.

Klenavatnet og Smørtjødna er regulerte vatn og slepp fisk ned i Kjerringatjødna. Det er ikkje gyteplassar i dei 2 vatna. Kjerringatjødna er ikkje regulert og der er det gyteplassar. Fiskebestanden her har eksplodert. Me ønskjer å frakte ein del av denne fisken opp att i Klenavatnet og Smørtjødna. Til arbeidet med å fange fisken i kastenot, treng me ein båt. Vaksdal Fiskarlag har i år gått til innkjøp av ein plast/glasfiberbåt og plassert denne ved Kjerringatjødna. Båt og andre omkostningar er betalt av ein privatperson i fiskarlaget, Olav Jarl Bruvik. Han har send laget rekning på dette, sjå vedlegg.

Me søker Vaksdal kommune om å dekke utgiftene til båt og frakt, kr 6 518,- .

Me håpar Vaksdal kommune vil hjelpa oss med å stø opp om dette viktige arbeidet.

Vaksdal Fiskarlag sitt kontonr er 05303104544.

01.10.2017
Helsing Vaksdal Fiskarlag,
Leif Inge Eide,
leiar